

XVIII/1127(2)

IN F E S T O
B. M. V. DE GUADALUPE
M E X I C A N Æ,
SIVE REGNI NOVÆ HISPANIÆ.
D U P L E X M A J U S.

Omnia ut in Festo ad Nives,
die 5. Augusti, præter propria.
Ad Magnif. Aña. Elegi, &
sanctificavi locum istum, ut sit
ibi Nomen meum, & perman-
neant oculi mei, & cor meum
ibi cunctis diebus.
Canticum. Magnificat, &c.

Oratio.

DEUS, qui sub Beatissimæ
Virginis Mariæ singulari
patrocinio constitutos perpe-
tuis beneficiis nos cumulari
voluisti, præsta supplicibus
tuis, ut cujus hodie comme-
moratione lætamur in terris,
ejus conspectu perfruamur in
Cælis. Per Dominum, &c.
Ad Matutin. Lectiones.

IN I. NOCTURNO.

De Libro Ecclesiastici. Cap. 24.
Lectio 1.

EGO ex ore Altissimi pro-
divi primogenita ante
omnem creaturam: Ego feci in
Cælis ut oriretur lumen indefi-

ciens, & sicut nebula texi om-
nem terram: Ego in altissimis
habitavi, & thronus meus in
columna nubis. Gyrum Cæli
circuivi sola, & profundum
Abyssi penetravi: in fluctibus
maris ambulavi, & in omni
terra steti, & in omni populo,
& in omni gente primatum ha-
bui: Et omnium excellentium,
& humilium corda virtute cal-
cavi: & in his omnibus re-
quiem quæsi, & in hæreditate
Domini morabor. Tunc præ-
cepit, & dixit mihi Creator
omnium, & qui creavit me,
requievit in tabernaculo meo,
& dixit mihi: In Jacob inha-
bita, & in Israel hæreditare, &
in electis meis mitte radices.

✠. Vidi speciosam sicut Co-
lumbam, ascendentem desuper
rivos aquarum: cujus inæsti-
mabilis odor erat nimis in ves-
timentis ejus. * Et sicut dies
verni circumdabant eam flores
rosarum, & lilia convallium.

✠. Quæ est ista, quæ ascen-
dit:

2
dit per desertum sicut virgula
fumi, ex aromatibus Myrrhae,
& Thuris. Et sicut.

Lectio ii.

AB initio, & ante secula
creata sum, & usque ad
futurum seculum non desinam,
& in habitatione sancta coram
ipso ministravi. Et sic in Sion
firmata sum, & in Civitate
sanctificata similiter requievi,
& in Jerusalem potestas mea.
Et radicavi in populo honorifi-
cato, & in parte Dei mei haereditas
illius, & in plenitudine
Sanctorum detentio mea.
Quasi Cedrus exaltata sum in
Libano, & quasi Cypressus in
Monte Sion. Quasi Palma exal-
tata sum in Cades, & quasi
plantatio Rosae in Jerico. Qua-
si Oliva speciosa in campis, &
quasi Platanus exaltata sum
juxta aquam in plateis. Sicut
cinnamomum, & balsamum
aromatizans odorem dedi,
quasi Myrrha electa dedi sua-
vitatem odoris, & quasi storax,
& galbanus, & unguis, & gut-
ta, & quasi libanus non incisus
vaporavi habitationem meam,
& quasi balsamum non mix-
tum odor meus.

Re. Quae est ista, quae ascen-
dit sicut Aurora consurgens,
pulchra ut Luna, electa ut Sol?
* Terribilis, ut castrorum
acies ordinata?

¶ Filia Sion tota formosa,
& suavis es, pulchra ut Luna,
electa ut Sol. Terribilis.

Lectio iii.

EGO quasi Terebintus ex-
tendi ramos meos, & ra-
mi mei honoris, & gratiae. Ego
quasi Vitis fructificavi suavita-
tem odoris, & flores mei fruc-
tus honoris, & honestatis. Ego
Mater pulchrae dilectionis, &
timoris, & agnitionis, & sanc-
tae spei. In me gratia omnis
viae, & veritatis: In me omnis
spes vitae, & virtutis. Transite
ad me omnes, qui concupiscitis
me, & a generationibus
meis implemini. Spiritus enim
meus super mel dulcis, & haereditas
mea super mel, & fa-
vum. Memoria mea in genera-
tiones saeculorum. Qui edunt
me, adhuc esurient, & qui bi-
bunt me, adhuc sitient. Qui
audit me non confundetur: &
qui operantur in me, non pec-
cabunt. Qui elucidant me, vi-
tam aeternam habebunt.

Re. Quae est ista, quae processit
sicut Sol, & formosa tam-
quam Jerusalem? * Viderunt
eam filiae Sion, & beatam di-
xerunt, & Reginae laudaverunt
eam.

¶ Et sicut dies verni cir-
cumdabant eam flores rosa-
rum, & lillia convallium. Vi-
derunt. Gloria. Viderunt.

IN

IN II. NOCTURNO.

Lectio iv.

Sermo S. Bernardi Abbatis.

De Verbis Apocalypsis.

Cap. 12.

Fidelis plane, & praepotens
Mediator Dei, & homi-
num homo Christus Jesus. Nec
ipsa mulier benedicta in mu-
lieribus videbitur otiosa: inve-
nietur equidem locus ejus in
hac reconciliatione. Opus est
enim Mediatore ad Mediato-
rem istum, nec alter nobis uti-
lior quam Maria. Quid ad Ma-
riam accedere trepidet huma-
na fragilitas? Nihil austerum in
ea, nihil terribile. Quod si (ut
verè sunt) plena omnia pieta-
tis, & gratiae, plena mansue-
tudinis, & misericordiae, quae
ad eam pertinent, inveneris,
age gratias ei, qui talem tibi
Mediatricem benignissima mi-
seratione providit. Omnibus
omnia facta est, omnibus mise-
ricordiae sinum aperit, ut de
plenitudine ejus accipiant uni-
versi: captivus redemptionem,
aeger curationem, tristis conso-
lationem, peccator veniam,
justus gratiam, Angelus laeti-
tiam, denique tota Trinitas
gloriam.

Re. Signum magnum appa-
ruit in Caelo Mulier amicta So-

3
le, & Luna sub pedibus ejus,
* Et in capite ejus corona
duodecim Stellarum.

¶ Fundamenta ejus in mon-
tibus sanctis, diligit Dominus
portas Sion super omnia Ta-
bernacula Jacob. Et in capite.

Lectio v.

Nimirum ea est, quae velut
alterum Solem induit si-
bi. Quemadmodum enim ille
super bonos, & malos indiffe-
renter oritur: sic ipsa quoque
praeterita non discutit merita,
sed omnibus sese exorabilem,
omnibus clementissimam praer-
bet: omnium denique neces-
sitates amplissimo quodam mi-
seratur affectu. Nam & defec-
tus omnis sub ea, & quidquid
fragilitatis, seu corruptionis
est, excellentissima quadam su-
blimitate praeter ceteris omnibus
excedit, & supergreditur crea-
turis; ut merito sub ejus pedi-
bus Luna esse dicatur. Ample-
ctamur Mariae vestigia, Fratres
mei, & devotissima supplica-
tione beatis illius pedibus pro-
volvamur. Teneamus eam, nec
dimittamus, donec benedixerit
nobis. Virtus Altissimi obum-
brabit tibi. Nihil iraque mi-
rum, si sub tali umbraculo ta-
lis etiam a muliere sustineatur
amictus. Mulier amicta Sole.
Induimini Dominum Jesum
* 2 Chrif

Christum. Quam familiaris ei facta es Domina! quam proxima imò! quam intima fieri meruisti! quantam invenisti gratiam apud Deum! In te manet, & tu in eo; & vestis eum, & vestiris ab eo! vestis eum substantia carnis, & vestiris ab eo gloria suæ majestatis.

R. Quæ est ista, quæ progreditur quasi Aurora confurgens: * Pulchra ut Luna, electa ut Sol?

V. Quasi arcus resurgens inter nebulas gloriæ, & quasi flos rosarum in diebus vernis. Pulchra ut Luna.

Lectio vi.

IN capite (inquit) ejus corona Stellarum duodecim. Dignum planè Stellis coronari caput, quod & ipsis longè clarius micans, ornet eas potius quàm ornetur ab eis. Quidni coronent sydera, quam Sol vestit? Sicut dies verni, circumdabant eam flores rosarum, & lilia convallium. Quis illas æstimet gemmas, quis Stellas nominet, quibus Mariæ regium diadema compactum est? Supra hominem est coronæ hujus rationem exponere. Indicare compositionem. In ea fere specie anno 1531. mirabiliter picta Deiparæ Imago Mexici apparuisse fertur, quæ

inibi loci propè Urbem, ubi pio Neophito ædem sibi sacram prodigio dicitur designasse, magnifico excepta Templo ingenti colitur populorum, ac miraculorum frequentia. Quam propterea uti præsentissimum adversus publicas, privataque calamitates præsidium, Archiepiscopus Mexicanus, ut reliqui etiam illarum partium Antistites, omnium Ordinum consensione, in primariam adlegit novæ Hispaniæ Patronam, ritèque electam BENEDICTUS XIV. auctoritate Apostolica declaravit, atque Officium proprium, & Missam sub titulo Beatæ Virginis Mariæ Guadalupensis recitari concessit.

R. Elegi, & sanctificavi locum istum: * Ut sit ibi nomen meum, & permaneant oculi mei, & cor meum ibi cunctis diebus.

V. Non fecit taliter omni nationi, & judicia sua non manifestavi eis. Ut sit ibi. Gloria Patri. Ut sit ibi.

IN III. NOCTURNO.

Lectio Sancti Evangelij secundum Lucam.

Lectio vii.

IN illo tempore: Exurgens Maria, abiit in Montana cum festinatione in Civitatem

Ju-

Juda. Et intravit in domum Zachariæ, & salutavit Elisabeth. Et reliqua.

Homilia Sancti Bernardi
Abbatis.

De Verb. Apocalyps. cap. 12.
circa fin.

Mirabatur Elisabeth personam venientis, dicens: Unde hoc mihi, ut veniat Mater Domini mei ad me? Commendabat & vocem salutantis, adjiciens: Ut facta est vox salutationis tuæ in auribus meis, exultavit in gaudio infans in utero meo. Et beatificabat fidem credentis: Beata, inquit, quæ credidisti. Magna quidem præconia, sed & devota humilitas nihil sibi passa retinere, in eum magis universa refudit, cujus in se beneficia laudabantur.

R. Felix namque es, Sacra Virgo Maria, & omni laude dignissima: * Quia ex te ortus est Sol Justitiæ Christus Deus noster.

V. Ora pro populo, interveni pro Clero, intercede pro devoto foemineo sexu: sentiant omnes tuum juvamen quicumque celebrant tuam sanctam Festivitatem. Quia.

Lectio viii.

TU, inquit, magnificas Matrem Domini: sed magnificat anima mea Dominum. In voce mea filium perhibes exultasse in gaudio, sed exultavit spiritus meus in Deo salutari meo, & ipse quoque tamquam amicus sponsi gaudet ad vocem Sponsi. Beatam esse dicis, quæ credidi; sed credulitatis, & beatitudinis causa respectus est supernæ pietatis, ut ex hoc magis beatam me dicant omnes generationes: quia ancillam humilem, & exiguum respexit Deus. Verumtamen numquid putamus, Fratres, Elisabeth sanctam in eo, quod per spiritum utique loquebatur, errasse? Absit. Beata planè quam respexit Deus, & beata, quæ credidit. Hic enim magnus divinæ respectiois extitit fructus.

R. Beatam me dicent omnes generationes, * Quia fecit mihi Dominus magna, qui potens est, & sanctum nomen ejus.

V. Et misericordia ejus à progenie in progenies timentibus eum. Quia. Gloria Patri. Quia.

Lectio ix.

Ineffabili siquidem artificio Spiritus superveniens tantæ humilitatis magnanimitas tanta

ta

ta in secretario virginei cordis accessit, ut quod videlicet nec humilitas tanta minuit magnanimitatem, nec magnanimitas tanta humilitatem. Sed cum in sua aestimatione tam humilis esset, nihilominus & in promissionis credulitate magnanimis, ut quæ nihil aliud, quam exiguam sese reputabat ancillam, ad inscrutabile Sacramentum nullatenus se dubitaret electam, & veram Dei, & hominis Genitricem crederet mos futuram. Jam te, Mater misericordiae, per ipsum sincerissimæ tuæ mentis affectum, tuis jacens provoluta pedibus Luna, mediatricem sibi apud Solem Justitiæ constitutam devotis supplicationibus interpellat; ut in lumine tuo videat lumen, & solis gratiam tuo

mereamur obtentu, quam verè amavit præ omnibus, & ornavit stola gloriæ induens, & coronam pulchritudinis ponens in capite tuo.

Te Deum laudamus.

Ad Benedictus, Añã.

Non fecit taliter nationi, & judicia sua non manifestavit eis.

Canticum. Benedictus.

Oratio ut supra.

In secundis Vesperis, omnia ut in primis, except. Antiphona ad Magnificat, quæ dicitur.

Læva in circuitu oculos tuos, & vide. Omnes isti congregati sunt, venerunt ibi: Filij tui de longe venient, & Filiæ tuæ de latere surgent.

Fit com. seq.

Missã propria.



HISPANIARUM.

Sanctissimus Dominus noster **BENEDICTUS PAPA XIV.** ad satisfaciendum pietati, quam Clerus Secularis, & Regularis Dominorum Serenissimi Regis Hispaniarum erga Beatam Mariam Virginem nuncupat. de Guadalupe profitetur, annuens piis precibus Majestatis Catholica ejusdem Regis per Eminentissimum, & Reverendissimum Dominum Cardinalem Portocarrerum ejus nomine sibi porrectis, Officium proprium, & Missam in honorem ejusdem Beatae Mariae Virginis die 24. Aprilis 1754. pro Regno Mexicano, sive Nova Hispania approbatum, recitandum, & respectivè celebrandam in reliquis Regnis, & Dominiis Serenissimi præfati Regis sub ritu duplicis majoris ad mei Secretarii relationem pro die ab Ordinariis designanda, excepta Dominica, benignè concessit. Die 2. Julii 1757.

D. E. Cardinalis Tamburinus.
Præfatus.

Loco ✠ Sigilli.

M. Marcus, S. Rit. Cong. Secret.